

1048

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona”, br. 7/97 i 3/99 i „Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 29.11.2024. godine, donosi

Z A K O N**O IZMJENAMA I DOPUNAMA ZAKONA O IZVRŠENJU BUDŽETA TUZLANSKOG KANTONA ZA 2024. GODINU****Član 1.**

U Zakonu o izvršenju Budžeta Tuzlanskog kantona za 2024. godinu („Službene novine Tuzlanskog kantona”, br. 3/24 i 13/24), u članu 70. u stavu (7) na kraju teksta umjesto tačke stavlja se zarez i dodaju riječi „izuzev dijela sredstava namijenjenih za završetak izgradnje Edukativnog centra u kompleksu Behram-begove medrese u Tuzli, koja se odobravaju po posebnoj odluci Vlade Kantona putem Islamske zajednice - Muftijstvo Tuzlansko.“

Član 2.

U članu 74. u stavu (4) iza riječi „organizacijama“ dodaju se riječi „i Tekući transferi drugim nivoima vlasti i fondovima“.

U istom članu iza stava (6) dodaje se novi stav (7), koji glasi:

„(7) Raspored sredstava - Kapitalni transferi drugim nivoima vlasti - izvor 10 - potrošačka jedinica 19010001 - sufinansiranje nabavke opreme za Opću bolnicu „Dr. Mustafa Beganović“ Gračanica, vršit će se na osnovu ugovora o sufinansiranju nabavke medicinske opreme koji će se zaključiti između Ministarstva zdravstva i Opće bolnice „Dr. Mustafa Beganović“ Gračanica. Na ugovore iz ovog stava saglasnost daje Vlada Kantona. Ugovorima će se urediti pitanja vremenskog perioda sufinansiranja, vrsta medicinske opreme, prava i obaveze ugovornih strana i druga pitanja od značaja za realizaciju ugovora.“

Član 3.

U članu 76. stav (5) iza riječi „(transferi)“ dodaju se riječi „i izvor 10 (budžetska sredstva)“.

U istom članu stav (7) mijenja se i glasi:

„(7) Raspored sredstava - Turistička zajednica Tuzlanskog kantona - tekući transferi neprofitnim organizacijama - ekonomski kod 614300, subanalitika MAX120 (funkcija 0473), potrošačka jedinica 22010001, vrši se na osnovu odluke koju donosi Vlada Kantona na prijedlog resornog ministarstva i Turističke zajednice Tuzlanskog kantona u cilju promocije razvoja turizma na području Kantona.“

U istom članu iza stava (8) dodaje se novi stav (9), koji glasi:

„(9) Raspored sredstava - JP Međunarodni aerodrom Tuzla - kapitalni transferi javnim preduzećima - ekonomski kod 615400, subanalitika MAE300 (funkcija 0454), potrošačka jedinica 22010001, vrši se odlukom Vlade Kantona na prijedlog resornog ministarstva.“

Član 4.

Iza člana 78. dodaje se novi član 78a., koji glasi:

“Član 78a.

(Raspoređivanje sredstava - Univerzitet u Tuzli)

Raspored sredstava - Sufinansiranje aktivnosti udruženja „Studentski parlament Univerziteta u Tuzli” - potrošačko mjesto 24040001 - Univerzitet u Tuzli, raspoređivat će se na osnovu odluke o sufinansiranju aktivnosti udruženja „Studentski parlament Univerziteta u Tuzli”, koju na osnovu zahtjeva Studentskog parlamenta Univerziteta u Tuzli donosi rektor JU Univerzitet u Tuzli.”

Član 5.

U članu 81. stav (2) mijenja se i glasi:

„(2) Sredstva - Podrška u oblasti kulture - potrošačka

jedinica 32010003, raspoređivat će se u skladu sa odlukom o utvrđivanju uslova, kriterija i postupka za raspodjelu sredstava koju donosi Vlada Kantona na prijedlog resornog ministarstva i na osnovu koje resorno ministarstvo donosi pojedinačne odluke o odobravanju finansijskih sredstava korisnicima, a kojom se utvrđuje iznos sredstava koja se raspoređuju putem javnog oglašavanja, izuzev dijela sredstava u iznosu od 100.000,00 KM namijenjenih za finansiranje Nacionalne i univerzitetske biblioteke BiH koja će se rasporediti na osnovu posebne odluke resornog ministarstva na koju saglasnost daje Vlada Kantona.”

Član 6.

Ovaj zakon stupa na snagu danom objavljivanja u „Službenim novinama Tuzlanskog kantona”.

BOSNA I HERCEGOVINA
Federacija Bosne i Hercegovine
TUZLANSKI KANTON
S k u p š t i n a

Predsjednik
Skupštine Tuzlanskog kantona

Broj: 01-02-555-4/24
Tuzla, 29.11.2024. godine

Žarko Vujović, v.r.

1049

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona”, br. 7/97 i 3/99 i „Službene novine Tuzlanskog kantona”, br. 13/99, 10/00, 14/02, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 29.11.2024. godine donosi

Z A K O N**o izmjeni Zakona o priznavanju inostranih obrazovnih isprava****Član 1.**

U Zakonu o priznavanju inostranih obrazovnih isprava („Službene novine Tuzlanskog kantona”, br. 11/11 i 8/18) član 5. mijenja se i glasi:

„Član 5.

(Pravo na priznavanje obrazovnih isprava)

(1) Pravo na priznavanje inostranih obrazovnih isprava u skladu sa ovim Zakonom imaju državljani Bosne i Hercegovine koji imaju prebivalište na području Tuzlanskog kantona (u daljem tekstu: Kantona), kao i strani državljani i lica bez državljanstva koji imaju prebivalište na području Kantona.

(2) Pravo na priznavanje inostranih obrazovnih isprava imaju i državljani Bosne i Hercegovine, strani državljani i lica bez državljanstva koji nemaju prebivalište na području Kantona, ukoliko im je priznavanje inostranih obrazovnih isprava potrebno u svrhu pristupa obrazovanju, odnosno nastavka obrazovanja ili u svrhu zapošljavanja na području Kantona.“

Član 2.**(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Tuzlanskog kantona”.

BOSNA I HERCEGOVINA
Federacija Bosne i Hercegovine
TUZLANSKI KANTON
S k u p š t i n a

Predsjednik
Skupštine Tuzlanskog kantona

Broj: 01-02-556-4/24
Tuzla, 29.11.2024. godine

Žarko Vujović, v.r.